



INATSISARTUT

Aningaasaqarnermut Naalakkersuisoq

Ulloq: 14. december 2012

J.nr.: 01.31.06/12-00614

Aningaasaqarnermut Akileraartarnermullu Ataatsimiititaliap pingasunngornermi ulloq 12. december 2012-imi aalajangiineranik Naalakkersuisunut ilisimatitsineq (suliaq nr. 01.31.06/12-00614)

Kontomi pingaarnermi 84.40.15-imi Ilinniartut inaannik sanaartornermut tunngasumi, missingersuutitut sunniuteqanngitsumik nussuinissaq

Naalakkersuisut inassutigaa,

- kontomi pingaarnermi 84.40.15-imi, Ilinniartut inaannik sanaartornermut tunngasumi, suliassamut nr. 020.52.028-mut, Qaqortumi ilinniartunut inissianut tunngasumut, aningaasaliissutit 1,165 mio. koruuninik amerlineqassasut, suliassamut nr. 080.52.047-mut, Sisimiuni ilinniartunut inissianik sanaartornermut 2009-2011-mut tunngasumut, aningaasaliissutit 1,3 mio. koruuninik amerlineqassasut, suliassamut nr. 120.52.049-mut, Ilulissani ilinniartunut inissianik sanaartornermut 2009-2011-mut tunngasumut, aningaasaliissutit 1,165 mio. koruuninik ikilineqassasut aamma suliassamut nr. 060.52.046-mut, Nuummi ilinniartunut inissianik sanaartornermut 2009-2011-mut tunngasumut, aningaasaliissutit 1,3 mio. koruuninik ikilineqassasut.

Aningaasaqarnermut Ataatsimiititaliap oqaaseqaatai

Qaqortumi Sisimiunilu ilinniartut inaannik sanaartukkanut aalajangersimasunut aningaasaliissutit amerlineqarnissaat qinnuteqaat una aqutugalugu Naalakkersuisut kissaatigaat. Tamanna Ilulissani Nuummilu ilinniartut inaannik sanaartukkanut aalajangersimasunut aningaasaliissutit ikilineqarnerisigut aningaasalersorneqassaaq.

Ataatsimiititaliaq ima apeqqutissaqarlunilu oqaaseqaatissaqarpoq:

1. Qaqortumi ilinniartut inaannik sanaartornerup killiffianik paasitineqarnissani ataatsimiititaliap kissaatigaa. Sanaartugassaq Naalakkersuisunit 2007-imi aallartinneqarsimappat isumaqarnarpoq iluarsaaneq allanngortiterinerlu sivisuumik ingerlanneqarsimasoq.
2. Containerinik inissianik pisisinnaanerup misissorneqarnera qanoq kinguneqarsimanersoq aammalu tamanna inissianik taamaattunik pisinermik inerineqarsimanersoq itisilerneqassasoq ataatsimiititaliamit aamma kissaatigineqarpoq.
3. Ilulissanilu Nuummilu ilinniartut inaat sanaartukkat taaneqartut naammassivissimappat, taamaalillunilu aningaasartuutitut siumut

naatsorsuutigeriinngisanut aningaasanik atuinissaq pisariaqanngitsoq qularutissaanngitsumik oqaatigineqarsinnaalluni?

4. Suliaq nr. 020.52.028-mut, Qaqortumi ilinniartut inaannut tunngasumut, kiisalu suliaq nr. 080.52.047-mut, Sisimiuni ilinniartut inaannik sanaartornermut tunngasumut, aningaasaliissutit qinnuteqaatip nassiunneqarnerani suli sipporneqarsimannngitsut ataatsimiititaliap naatsorsuutigaa, taamaassimappammi aningaasat atorineqareerneranni aningaasaliissuteqartoqassammat. Ataatsimiititaliap naatsorsuutigisaa eqqunngippat, tamanna pillugu Naalakkersuisut kinguaasaanertaqanngitsumik ilisimatitsissuteqassapput.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarput**.

Apeqqutitut oqaaseqaatinullu siuliani allassimasunut Naalakkersuisut akissutaat kalaallisut danskisullu aningaasanut inatsisip ukiuani matumani nassiuteqquneqarpoq assilineralu qarasaasiakkut ukununnga nassiunneqarluni: julie@ina.gl aamma sakkak@ina.gl.

Ataatsimiititaliap sinnerlugu



Andreas Uldum

Ataatsimiititaliap siulittaasua